

Europa oder ihr fürnehmst theil.

Ach dem vnser particuliere / von West / Ost / vnd Nordfcher navigation ausgegangene SeeCarte / auch die / so wir durch Gottes hulff) fürhabens sein / zum sorderlichsten ans liecht zu bringen / fliesen / vnd ihren vrsprung gewinnen: aus dieser general Carten von Europa / da man kan schawē / die corperliche structür vnd gelegenheit der selben / vnd wie ihre landen den andern anhangich / augenscheinlich erkennen. Alles an gebürlichem ort / spatio / windstriche / Gratten vnd Minuten / in süglicher form gerichtet. Haben wir für gutt angesehen / diese am anfang aller Carten fürzustellen: auff das / aus der Generalen die particuliere michtē erfunde / vnd nach ordnung dieses Buchs / deste leichter erkandt werden. Vnd haltens dafür / das weiter erklärang / von gebrauch derselbē in See / vnndtzig / sintemäl aus instruction iederer besonderer Carten (aus dieser algemeinen in vielen zerteilt) man leichtlich kan vntertheiln: wie vnd welcher gestalt diese / sampt all ihren vnterworffen Inseln verstandē / vnd nach rechter Meer oder Seekunst / in anrichtung zugehöriger Instrument / sol fruchtbar genügt vnd dienlich gebraucht werden.


Kurtzer vnderricht von gestalt der Tonnen / Backen / Capen / etc. wie die selbe in nachfolgenden Carten der Ströme Blye / Emisse / Besser / Elb / Meerstieff vnd Naß verzeichnet.

Aff allen Ströme von Holland / Friesland vnd Seeland seind die Tonnen oben ront vnd bryet / vnden schmal vnd spitzig abegehend / wie hie verzeichnet: 1. seind schwarz von peck oder teer / ligen almeist auff die rechte handt im auffsegeln / auff die lincke handt aber am einlömen. Vnd zur andern seiten gehn vber auff die sande / platen oder vntieffe / stehen die Backen gemeinlich mit forben obē auff das sie desto weiter mügen gesehn werden. Da man einlömen / diese form: 2. auff das sie desto weiter mügen gesehn werden. ge ecken / höcke oder sande muß vndersegeln / seind dieser form: 3. vnd ligen allzeit auff der contrari oder gegen seiten / der gemeltē schwarzen Tonnen. Die mercke / das ist zeichen da bey man diese Tonnen vnd Backen siten vnderricht iederer nachfolgender Carte klarlich aussgedruet. Es soll aber verstanden werden / das wir diese Tonnen vnd Backen also auffgezeichnet haben / wie sie im Jar 82. gelegen vnd geschaffen gewesen seind. Auch das die tieffe vnd ströme Jarlich seer verlauffen vnd verandern: aus vrsachen der vnsäten sandgrunde / vnd eingange der Seen (gaten geheissen) seer weyt vnd bryet werden / da durch dann diese ströme alle / Edgimans wasser sein / da man sich gutter Piloten versehen muß. Die Capen auff dem land am eintomme der Riuerē stehend / habē wir vmb kleingheit der dater / also abgemalet.

Die ziffer zall / getu vnd außserhalb der vadē dieselbe an dem zahl / zu so man ia fin

Vnd da gutte Rhede oder Ancker grund ist / dero gestalt. stellet bey allen Haucn / Riueren / Strömen / Canalen / See / auch auff die vntieffe vnd sande / bezeichnet wie vil orth tieff seind / es sey dann 1. 2. 3. 10. 12. etc. bis zur grossē dēt / alles mit halber Bloet.

Die Creutzlein dieser form furgebildet + langs vielen Bfern (genennet Cuffen) so auch bey den Inseln vnd dergleichen gesetzt: bedeuten blinde Clipfen vnder dem wasser ligen / die man sehen muß / vnd da die Creutz doppel stehen / seind grosse Clipfen vnd Rogen auch vnder dem wasser gelegen.



Beschreibung Eurape vnd ordnung der Seecarten dieses Buchs.



Je alten habe das Erdreich oder die ganze Welt in drey vndersehtliche theil getheilt / nemlich in Asiam, Africam vnd Europam, dann sie vom vierdten theil ietzt America geheissen vnd innerhalb hundert Jar anhero erfunden / gar nit gewußt. Vnangesehen dasselbe wol so groß ist als zwey der andern. So ist nun Europa / das man zu dieser zeit Christenheit nennet / das kleinste aber das beste theil / ist ein trefflich fruchtbar vnd wol erbawet Land / hat ein natürlichem temperierten Luft / vnd auch einen miltten Himmel / hat nit minder ia mehr Volcks dan Africa / ob schon Africa seiner weite vnd breite halb vil grosser ist. Dann es werden in Europa nit gefunden sollich weit vnd groß wüsten / noch sollich vnfruchtbar Sand vnd grosse Hitz wie in Africa. Allenfalls haben istes mit Stetten / Schlossen / vnd Dorffern besetzt vnd woll gezieret. Hat auch ein

Dopfers vnd Mannhafftiges Volk / das es Asiam vnd Africam vbertriff. Plinius der alt Historischer nennet Europam ein Gebermutter der Bezwinger der Welt / vnd ist warlich solchs / erstlich in der Macedonischen Monarcheyen / durch Alexandrum Magnum, demnach durch die Römer war worden / welche die ganze Welt (oder ia so weit sie bekennet gewesen) bezwungen vnd vberzogen haben / vnd zu vnsern zeitten noch die Könige Europe in Asia triumphiren / vnd haben Americam erfunden vnd vnder sich bracht. Europa ist auch vor ander Lande vol zahmer Thier / die den Menschen nuse schaffen / wenig schädlicher sind man darinn / vnd hat kein mangel weder an Wein noch auch an Korn / oder an andern fruchtbaran Baumen / da zu hat es Gold / Silber / Kupfer / Zin / vnd Eisen / aber Bewurg / Edelgestein / weirtreichend ding / als Balsam / Weprauch / vnd dergleichen hat man nit in Europa / sondern wirt auß Asia hinein gebracht. Die Alten haben Europam also aufgetheilt / nemlich in Occidet vom Oceano ab bis in Aufgang am Wasser Tanais, da es an Asia stoß. Vnd von Mitternacht so weit als man Land findet / nach Mittag zu / bis im Mediterraenischen oder Mittel landigen Meere / durch welchem es von Africa wirt abgetheiden. Vnd ligt in Europa diese Land: Hispania / Frankreich / Teudischland / Italia / Ungern / Schlawonia / Griechen / Polen / Littaw / Muscowyter Land / Neussen / Denmark / Schweden / Nordwegen / vnd do oben bis zum end der Welt nach Mitternacht zu. Auch gehören in Europa diese Inseln: Albion oder Britannia / welche ietzt Engelland vnd Schottland isst / Irland / Wland / Friesland / Hittland / Fero vnd Grönland / welche ligen im grossen Mitternachtigen Meer. Item die Inseln des Mittel landigen Meers / als: Sicilien / Sardinia / Corsica / Candia / Malta / Corsu / Nigros pont / Maorca / Minorca / Metelin / Cio vnd mehr andere welche Europam zieren geleich wie die Edelgestein ein Guldine Kron / deßhalb auch vorzeiten die zwo mechtige Stett Rom in Europa / vnd Carthago in Africa / nit vergebens sulche schwere krieg wider einander gefürt der Inseln halb: Sicilien vnd Sardinia. Von mehret wüßten Europe vnd dessen gelegenheit wirt der fleißig Leser die beschreibung iederes Landes insonderheit vnder suchen / vnd den verstand vnd eigentlichen erkantnissen derselbigen nachtrachten.

Die ordnung welche der Autor in beschreibung dieser Seecarten hat gehalten / ist diese: In dieser General oder algemeinen Taffeln hat er alle Meer Ufer von gantz Europa (so weit sich die Schiffart erstreckt) eigentlich abgerissen / vnd der selben Hauen / Rünieren vnd Flüsse / wie sie ins Meer fallen / sampt ihren engen vnd krummen / Item wie die Klippen / Neue / Sand vnd Grunde / vnd was demselben anhanglich gelegen sein / klerlich beschriben. Alles auß gewissen vnd rechten Blatt / Windstrichen vnd Minuten / etc. Diese General Taffel hat er wider abgetheilt in diese 47. nachfolgende kleine Taffeln / auß das was auß einem Blatt von so vil Lande nit konte beschriben werden / er auß vil Blätter gar vndersehtlich vnd auß das aller gewisseste verfaße / vnd der ganzen Welt / iederm an seinem ort / dienete. Vnd nimpt den anfang von seinem Vaterland Holland / feret also fort langes Seeland / Flandern / vnd kompt in Frankreich an Picardes / Normandes / Britanien / Poictou / Guienne / demnach an Hispanien / nemlich an Lusitaien / Gallicien / Portugal / Algerben / Andalusien / bis an die Straf von Gibraltar. Schleicht von dannen wider ab nach Engelland / Schottland / vnd wider vber an Nordwegen / Denmark / durch den Sondt in der Ostsee / langes Schweden vnd Ost Finland / bis im eusersten end der Ostsee. Vnd feret von dannen wider vber an der andern seiten langes Liffland / Kurland / Preussen / Pommern / Meckelnburg / Holstein / also durch den Beltz vnd Schagel / nebt Zuyeland / Epderstedt / Dithmarsch vnd Friesland. Kompt also wider vber an Holland / da er außgefahren.